

Aseñka Nye Asetsena Nyiamu Dwumadzi Nwoma —No Ho Nhwehwemū

JUNE 1-7

AKORADZE A OFI NYANKOPON N'ASEM MU | GENESIS 44-45

“Joseph Dze Kyee No Nuanom No”

w15-E 5/1 14-15

“Ana Migyina Nyankopon Ananmu?”

Afei Joseph suaa no nuanom no efir. Čmaa wotsiiw no nuanom no kékkyeer hōn, na ēccā hōn sombo de woewia no kōropow. Aber a wohun kōropow no w Benjamin no kotoku mu no, wōnye no nuanom nkaa no nyina kaa noho sanee kōr Joseph hō. Afei, nna Joseph enya ho kwan bi a ɔdze bohu dza ɔw no nuanom no hōn akoma mu. Judah na ɔkasae maa hōn. ɔpaa Joseph kyew de onhu hōn mbōbōr na ɔmfa nkye hōn. Judah serse mpo de ɔbeyé a nkye wōmfā hōn nyina nyē nkowaa mbom w Egypt. Naaso Joseph ammpen, na mbom ɔkāa de, enuanom nkaa no botum asan ak̄ beebei a wofi bae, naaso Benjamin dze, ɔbēma ɔaye akowaa w Egypt.
—Genesis 44:2-17.

Asem no yēs Judah awerəhow araa ma ɔdze abadaa kāa de: “Ne [nā] ba a aka ara nye no nko, na n'egya dō no.” ɔbeyé de dēm asem no kaa Joseph papaapa osiande, nna ɔno nye Jacob ne yer Rachel a nna ɔdō no n'abakan, naaso aber a nna ne nā rowo n'ekyirba Benjamin no na owui. ɔbeyé de nna Joseph n'enyi gyina ne maa-me Rachel papaapa, na tse de n'egya no, nna ɔpē n'asem. Bi a osiande nna Rachel ewu ntsi, nna Benjamin ara nye obi a Joseph dze kyekye no werē, ntsi nna Benjamin da Joseph n'akoma do papaapa.—Genesis 35:18-20; 44:20.

Judah kōr do ara serse Joseph de mma ɔmmfa Benjamin nnyē akowaa. ɔkāe mpo de wōnye no nhye Benjamin n'anam. Afei, ɔdze awerəhosēm yi wiee n'akyepa no de: “Na mibesi no dēn na mak̄ m'egya nkyen, na abofra no nnka mo ho? Bęyé na mehu mbusu a ɔbēba m'egya no do.”

(Genesis 44:18-34) Asem yi a Judah kāe no ma yehu de nna ɔasesa ampa. Sē yedze nnuho a ɔdaa no edzi no to nkyen a, ɔsaan so kyereē de ɔw ayamuhyehye na tsimbōbōr kese, na ɔnnidwen nankotsee noho.

Afei dze, nna Joseph dze ma ɔhen a ɔnngye. Nna sū adodow no dodow, ntsi nna ɔw de ɔma opue. Ntsi ɔpaam n'asomfo no nyinara fii n'eniyim, na osūi kese araa ma hōn a nna wōw Pharaoh n'ahemfie hō no nyina tsee no sū no ne dede. Ekyir koraa no, ɔdaa noho edzi kyereē no nuanom no de: “Emi nye hom nua Joseph.” Nha asem no ato no nuanom no do ma hōnho ropopo; naaso Joseph yēs hōn nyinara etuu, na ɔdze bōn a wōdze aye no no nyina kyee hōn. (Genesis 45:1-15) Dza Joseph yēs no daa Jehovah no su a ɔnye de ɔdze bōn kyē koraa no edzi. (Ndwom 86:5) Aso yerusasua dēm su no?

Pensapensa Bible Mu

it-2-E 813

Atar A Wosunsuan Mu

Nna Jewfo nye aman ahorow a wōw Asia Mantōw mu no taa sunsuan hōn ntar mu dze kyere de worldzi awerəhow, nkanka aber a wōabēse hōn de hōn busuanyi bi a wōben no papaapa ewu no. Mpēn pii no, nna se obi sunsuan n'atar mu a, osuan atar no fi no kōn mu kesi n'akoko mu; ntsi nna wonnsunsuan atar no nyina mu nnseē no.

Wō Bible no mu no, Jacob ne babanyin panyin Reuben nye nyia wodzii kan kāa noho asem de osunsuaan n'atar mu. Aber a ɔkōr bura a nna nsu biara nnyi mu no ho na ɔannkōtō Joseph wō mu no, Reuben sunsuaan n'atar mu kāa de: “Abofra no nnyi hō; na iyi mara merefa hen?” Osiande nna Reuben yē abakan no ntsi, nna ohia papaapa de ohu beebei a nna no nua kuma no wō. Aber a wōbēdaada Jacob de ne ba Joseph ewu no, Jacob sunsuaan n'atar mu na ofuraa wer dze sū ne ba no. (Ge 37:29, 30,

34) Bio so, aber a wɔbɔ Benjamin sombo wo Egypt de ɔyε ewi no, Joseph no nuanom nkaa no sunsuaan hɔn ntar mu dze dzii asem no ho awerehow.—Ge 44:13.

w04-E 8/15 15 ¶15

Wɔtan Hεn Kwa

Se nkɔrɔfo tan hεn kwa a, ebεnadze na ɔbɔ-boa hεn na amma yeammfa hɔnho ebuwu? Mma wo were mmfir de hεn atamfo ankasa nye Satan nye esunsum fī no. (Ephesusfo 6:12) ɔwɔ mu dε nyimpa binom wɔ hɔ a wɔhyε da ara gye enyim soer tsia hεn dze, naaso hɔn a wɔsoer tsia Nyankopɔn no nkɔrɔfo no mu piinara wɔ hɔ a wonnyim dza wɔreyε, anaa afofor bi na wopiaipa hɔn ma wɔyε dεm. (Daniel 6: 4-16; 1 Timothy 1:12, 13) Jehovah pε de “nyimpa nyina” nya “nkwa, na wɔba nokwar no ho nyimdzee mu.” ɔdze dεm ho kwan no ama obia-ra. (1 Timothy 2:4) Nokwasem nye dε, nyimpa ahorow bi a nna nkan no wɔsoer tsia hεn no ahwε ɔbra pa a yεbɔ no, na ndε wɔabεyε hεn nuanom Christianfo. (1 Peter 2:12) Bio so, yebootum esua biribi efi Jacob ne ba Joseph n'asem no mu. ɔwɔ mu dε no nuanom no nye no enn-dzi no yie ma ɔno ntsi ɔfaa atseetsee pii mu dze, naaso ɔammfa hɔnho asem annhyε no mu da. Ebεnadze ntsi a? Osiandε nna onyim de Jehovah nyim dza ɔrokɔ do, na ɔbεyε tsebea no ho biribi na aama Jehovah ne tsirmpɔw aba mu. (Genesis 45:4-8) Dεmara so na Jehovah botum adan atsεnkyew biara a yerihyia no sesei no ma wɔaahyε ne dzin enyimnyam.—1 Peter 4:16.

JUNE 8-14

AKORADZE A OFI NYANKOPɔN N'ASEM MU | GENESIS 46-47

“Nkorɔfo Bi Nya Edziban Wɔ ɔkɔm Ber Mu”

w87-E 5/1 15 ¶2

Joseph Gyee Nkorɔfo Nkwa Wɔ ɔkɔm Ber Mu

Mfe esuon a edziban buu do no baa n'ewiei, na ɔkɔm no hyε ase dε mbre Jehovah kāe

no. Nnyε Egypt asaase nkotsee do na ɔkɔm no sii, na mbom ɔbaa “asaase do nyinara.” Aber a ɔkɔm hyε ase dε ɔredze Egyptfo no, wɔkɔ Pharaoh hɔ dε ɔmma hɔn edziban, na Pharaoh kāa kyereε hɔn dε: “Hom nkɔ Joseph hɔ; dza ɔbεse hom no, hom nyε.” Joseph tɔɔn eburow maa Egyptfo no araa kesii dε hɔnho sika nyina sāe. Ntsi ɔgyee hɔn mbowa dze hyε ananmu. Ewiei koraa no, nkɔrɔfo no baa Joseph hɔ bεsee no dε: “Fa edziban tɔ hεn nye hεn asaase, na hεn nye hεn asaase bεyε asomfo ama Pharaoh.” Ntsi Joseph tɔɔ Egyptfo no hɔn asaase nyina maa Pharaoh.—Genesis 41:53-57; 47:13-20.

kr-E 234-235 ¶11-12

Ahendzi No Ma Wɔyε Nyankopɔn N'apεdze Wɔ Asaase Do

Edziban A Obobu Do. Sunsum afamu ɔkɔm dze hɔn a wɔwɔ wiadze no. Bible no bɔɔ kɔkɔ dε: “Hwε, nda reba, Ewuradze Nyankopɔn na ɔse, dε mebεma ɔkɔm aba asaase no do, nnyε edzibankɔm, anaa nsukɔm, na Ewuradze n'asεntsie ho kɔm a.” (Amos 8:11) Aso Nyankopɔn n'Ahendzi no mufo so rekyen kɔm anaa? Jehovah kāa asem a ɔbɔtɔ n'asomfo nye n'atamfo no ho asem too hɔ dε: “Mo nkowaa bedzidzi, na homdze, ɔkɔm bεdze hom: hwε, mo nkowaa bɔnom, na homdze, nsukɔm bεdze hom: hwε, mo nkowaa bedzi ehurusi, na homdze hom enyi bowu.” (Isa. 65:13) Aso ihu dε dεm asem no aba mu?

Yenya sunsum afamu edziban aber biara, na ɔsen waa waa dε esutsen. Hεn nsa ka nkyere-kyere ahorow pii a ogyina Bible do. Bi yε nsem ahorow a wɔbɔ tsie nye video ahorow, asafo nhylamu nye ehyiadzi ahorow, nye nsem ahorow a wɔdze gu hεn Wεbsaet do no. ɔkɔm redze hɔn a wɔwɔ wiadze no mu dze, naaso hεndze, dεm sunsum afamu edziban ahorow yi a woebu do a hεn nsa ka no aber biara no ma yεmee da biara. (Ezek. 47:1-12; Joel 3:18) Jehovah hyε bɔ dε edziban bobu do ama no nkowaa. ɔyε enyigye papaapa dε Jehovah edzi no bɔhyε do, ma aber biara inya edziban dzi, anaa ɔnntse

dəm? Aso ebo mbədzen də ibedzidzi wə Jehovah no pon do aber biara?

Pensapensa Bible Mu

it-1-E 220 ¶1

Ndzevə Ahorow Bi Na N'asekyerə

Nsa a wədze mua obi a oewu no enyiwa. Jehovah kāa kyere Jacob də: "Joseph dze ne nsa bəka w'enyiwa emua do." (Ge 46:4) Wə kwan bi do no, nna Jehovah rekā akyere Jacob də se owu a, Joseph na ɔdze ne nsa bomua n'enyiwa. Nna iyi ye abakan no n'edwuma. Ntsi əbevə də nna Jehovah rekyerə mu akyere Jacob wə asem yi mu də abakan no bəkə ekedzi Joseph hə.—1Mb 5:2.

Adw 7:14 no ho nkyerəkyerəmu, nwtsty

Wosi akra eduosuon enum: Aber a Stephen kāa də nyimpa a wofi Jacob n'ebusua mu kər Egypt no nyina dodow si 75 no, nna nnye kyerewsem pətsee bi a ɔwə Hebrew Kyerewnsəm mu no ho asem na ɔrekā. Dəm nyimpa dodow yi nnyi Massoretfo Hebrew Kyerewnsəm no mu. Ge 46:26 kā də: "Akra a wənye Jacob kər Egypt a; wofi n'a-sen mu nyinara, Jacob ne mbabanyin yernom nnka ho a, akra no nyinara wəye eduesia esia." Nyiyimu 27 toa do də: "Jacob ne fie akra a wəbaa Egypt no nyinara, wəye eduosuon." Wə dəm nyiyimu yi mu no, yehu də wəkaan nyimpa no wə akwan ahorow ebien do; əbevə də nyimpa dodow a wodzi kan no ye Jacob n'ebusua anka-sa no mufo, na dza otsə ebien no so ye nyimpa dodow nyinara a wəkər Egypt. Wə Ex 1:5 na De 10:22 no, wəkə Jacob n'asefo no hən dodow ho asem de wəye "eduosuon." Əbevə də hən a nna wəye Jacob n'ebusuafo kese mufo no nyina ka nyimpa dodow a Stephen dze mae ekyir yi no ho. Binom susu də nna dəm nkorofo no bi nye Joseph ne mba Manasseh na Ephraim hən mbabanyin na hən mbanana a wəkā hən-ho asem wə Ge 46:20 wə Septuagint no mu no. Afofor so susu də Jacob ne mba no hən yernom a wəannye hən annka nyimpa dodow a ɔwə Ge 46:26 ho no nyina so ka ho. Ntsi əbevə də

nyimpa "eduosuon enum" no ye hən nyina hən dodow a wəaka abə mu. Əbevə də nna dəm nyimpa dodow yi na ɔwə Hebrew Kyerewnsəm ahorow a nna ɔwə hə wə asomafo no aber do no mu. Mfe pii nye yi, abemfo tse ase də nyimpa dodow "eduosuon enum" na Ge 46:27 nye Ex 1:5 dze ma wə Greek Septuagint no mu. Bio so, wə 1901 kesi 2000 mfe no mu no, wohun Ex 1:5 wə Po A Ewu Nwoma Mbobəwee n'afā ahorow ebien bi wə Hebrew kasa mu; nna nyimpa dodow "eduosuon enum" na wəakyerəw wə ne nyina mu. Əbevə də nyimpa dodow a Stephen kāa ho asem no gyina dəm tsetse kyerewtohə ahorow no do. Ommfa ho mbətse biara no, nyimpa dodow a Stephen kāa ho asem no ye kwan fofor bi a wəfaa do kaan Jacob ne fiego no nyina hən dodow ara kəkə.

JUNE 15-21

AKORADZE A OFI NYANKOPON N'ASEM MU | GENESIS 48-50

"Hən A Wəasom Akyer No Wə Bi Kā"

it-1-E 1246 ¶8

Jacob

Aber a nna Jacob rubowu no, ohyiraa Joseph ne mba beenu no, na odzii kan hyiraa Ephraim a nna ɔye ekumaba no ana orihiraa Manasseh; Nyankopon no sunsum na ɔmaa ɔbaa no dəm. Afei, ɔkāa kyere Joseph a nna obenya egypadze fā a wədze ma abakan no də: "Medze kyepen kor a ɔbor wo nuanom do a medze m'afōwa nye m'egyee no wə Amorifo nsamu no mama wo." (Ge 48:1-22; 1Mb 5:1) Osiande nna Jacob edzi kan atə asaase kakraba bi a nna ɔben Shechem wə Hamor mba no nsamu wə asomdwee mu ntsi (Ge 33:19, 20), bə yi a ɔdze hyee Joseph no kyere də nna Jacob wə gyedzi; dəm gyedzi no na ɔkaa no ma ɔkāa nkənhyesəm a ɔfa Canaan asaase a nna ɔnam n'asefo do bəfa daakye no ho asem de gya-ma nna nankasa dze afōwa na egyen agye no dada no. Nna Joseph n'egyapadze a nna ɔbə ho ebien no wə dəm asaase no a wəkōe fae no mu;

ɔno nye nsaase ebien a wɔdze maa Ephraim na Manasseh mbusuakuw no.

it-2-E 206 ¶1

Nda A Odzi Ekyir

Nkɔm A Jacob Hyee Aber A Orubowu No.

Aber a Jacob kāa kyereɛ ne mbabanyin no dɛ, "Hom mboa hom ano, na menkā dza ndaamba ɔbɛba hom do menkyereɛ hom" no, nna ber a dɛm nsem no bɛhye ase enya ne mbamu no ho asem na ɔrekā. (Ge 49:1) Mfe bɔbor ahaebien ansaana Jacob rebekā dɛm asem yi no, nna Jehovah akā akyerɛ Jacob ne nana Abram (Abraham) de wɔbɛtseetsee n'asefo mfe 400. (Ge 15:13) Ntsi, nna "ndaamba" a Jacob rekā ho asem no bɛhye ase wɔ dɛm mfe 400 a wɔdze bɛtseetsee hɔn no ekyir. Nna nkɔnhye no ne mbamu a ɔfa "Nyankopɔn Israel" ho no so bedzi ekyir aba.—Ga 6:16; Ro 9:6.

w07-E 6/1 28 ¶10

Hɔn A Hɔn Mfe Akɔ Enyim No Ye Nhyira Ma Mbabun

Hɔn a hɔn mfe akɔ enyim no botum aye nhwedo pa ama Christianfo afofor. Aber a nna Jacob ne ba Joseph abɔ akɔkora no, ɔyee biribi dze kyereɛ de ɔwɔ gyedzi, na dza ɔyee no boaa Nyankopɔn n'asomfo anokwafo a wɔtsenaa ase wɔ no wu ekyir no nyina papaapa. Aber a nna Joseph edzi mfe 110 no, "ɔhyee ne mbiew ho samansew" dɛ, se ɔba no de Israelmba no ribefi Egypt akɔ koraa a, wɔmfa ne mbiew nka hɔnho nkɔ. (Hebrewfo 11:22; Genesis 50:25) Aber a nna Israelmba no dze mfe pii reye edwumadzen de nkowaa wɔ Joseph no wu ekyir no, nna dɛm ahyeɛdze no ka ndzɛmba a ɔmaa wɔkɔr do nyaa enyidado no ho, na ɔmaa wonyaa awerehyɛmu bi de dabi dabi, hɔn nkwagye bɛba.

Pensapensa Bible Mu

w04-E 6/1 15 ¶4-5

Hɔn A Wɔdze Enyimnyamhye Ma Nyankopɔn No Benya Nhyira

Ansaana Israelmba no rehen Anohoba Asaase no do no, Gad ebusuakuw no sereɛ de wɔmma

hɔn kwan ma wɔntsena Jordan no boka afamu hɔ ara na wɔnhwɛ hɔn mbowa. (Nkanee 32:1-5) Se Gad ebusuakuw no tsena dɛm asaase no do a, nna hɔn asomu ronndwe hɔn. Nna Jordan Bɔnsa no bɔ mbusuakuw a nna wɔwɔ anee afamu no ho ban fi atamfo ho. (Joshua 3:13-17) Naaso, nwoma a wɔato dzin *The Historical Geography of the Holy Land* (Asaase Krɔnkrɔn No N'abakɔsem) a George Adam Smith kyereewee no kā nsaase a nna ɔwɔ Jordan no boka afamu no ho asem dɛ: "[Asaase] no nyina da hɔ petee wɔ Arabia mbepɔw no etsifi a biri-biara mmbɔ ho ban mmfi atamfo ho. ɔda edzi dɛ, nna nkɔrɔfo ahorow a nna wɔnntsena fakor na hɔn enyi ye dzen no taa tow hye hɔn do, na afe biara so binom tow hye hɔn do nye hɔn per asaase a wɔbɛma hɔn mbowa edziban wɔ do ho."

Nna Gad ebusuakuw no bɛye dɛn egyina dɛm atseetsee yi ano? Mfe ɔhaha pii a nna abesɛn kɔ no, ansaana hɔn nanakansowa Jacob rubowu no, ɔhyee nkɔm bi dɛ: "Gad, dɔm bɛhye no do: Na ɔno so bɛhye hɔn etsia hɔn anantsir." (Genesis 49:19) Se efa asem yi dɛmara a, annhwɛ a ebekā de orunntum mm̄ba mu da. Naaso, nokwasɛm ankasa nye de nna asem yi rehye Gadfo nkuran dɛ, se hɔn atamfo no tow hye hɔn do a, mma wɔmmfa hɔnho nnkye hɔn koraa. Jacob maa wonyaa awerehyɛmu de, se wɔyɛ dɛm a, hɔn atamfo no dze enyimguase besan hɔn ekyir, na Gadfo no betsiw hɔn edzi hɔn do konyim koraa.

it-1-E 289 ¶2

Benjamin

Wɔ nkɔm a Jacob hyee ana oruwu no mu no, ɔkāa no dɔba Benjamin n'asefo hɔn akodzi ho asem dɛ: "Benjamin ɔyɛ pataku a ɔtse-tsew mbowa mu: Obedzi abɔgyanam anapa, na ewimbir no ɔakyɛ asadze." (Genesis 49:27) Nna wonyim akofo a wofi Benjamin ebusua no mu de wonyim tsiabo tow papaapa. Nna wotum dze hɔn nsa nyimfa na bankum nyina tow tsiabo, na se adze a wɔrotow abɔ no ye

ketsekete de “nhwi” mpo a, wɔmmfom. (Ats 20:16; 1Mb 12:2) Nna ɔbankumnyi ɔtsembuafo Ehud a okum ɔhen Eglon a nna ɔretseetsee Israelmba no ye Benjaminnyi. (Ats 3:15-21) Afei so, ɔda edzi dε, “anapa” no, kyerε dε, wɔ Israel ahemman no n’ahyεse no, ɔye Benjamin ebusuakuw a ɔye Israel “mbusuakuw mu aketsewaba” no mu na Israelhen a odzi kan, Saul, fii bae. Nna Saul ye Kish ne ba, na ɔdze akokodur kõe tsiaa Philistiafo no. (1Sa 9:15-17, 21) Dεmara so na wɔ “ewimbir no,” kyerε dε, wɔ Israel ahemman no n’ewiei no, ɔye ɔhembaa Esther na ɔhen Abadziekyir Mordecai a nna hɔn nyinara ye Benjaminfo no na wɔgyee Israelmba no fii Persia Ahemman a nkye ɔrobotor hɔn nyinara ase no nsamu.—Es 2:5-7.

JUNE 22-28

AKORADZE A OFI NYANKOPɔN N'ASEM MU | EXODUS 1-3

“Mebeyε Moho Dza Mεrε De Meyε”

w13-E 3/15 25 ¶4

Hyε Jehovah Ne Dzin Kεse No Enyimnyam

Kenkan Exodus 3:10-15. Aber a nna Moses edzi mfe 80 no, Nyankopɔn dze asodzi bi a nna no mu ye dur hyεε ne nsa de: ‘Keyi me man Israelmba no fi Egypt.’ Aber a Moses rekyere n’adwen wɔ edwuma a wɔdze ahye ne nsa no ho no, ofi obu mu bisaa Nyankopɔn asem a no ho hia yi de: ‘Wo dzin dze dεn?’ Nyankopɔn ne dzin dze, ofi tsetse nyina nna wonyim, ntsi nna ebənadze ntsi na Moses ribisa Nyankopɔn ne dzin yi? ɔda edzi dε, nna Moses pε de ohu pii fa **nyia nna dεm dzin no da no do** noho; nna ɔpε asem bi a obotum egyna do dze ama Nyankopɔn no nkɔrɔfo no eenya ahotodo ankasa wɔ Nyankopɔn mu de obotum agye hɔn. Nna ntseasee wɔ dza Moses repe ehu no mu, osiandε nna Israelfo no asom de nkowaa akyer. Nna hɔn adwen botum aye hɔn ebien ebien dε, aso Nyankopɔn a nna hɔn egyanom som no no **botum** agye hɔn anaa. Nokwasem nye de, nna Israelfo binom

mpo ahye ase rosom Egyptfo hɔn enyame no bi dada!—Ezek. 20:7, 8.

kr-E 43, adakaba

DZA NYANKOPɔN NE DZIN NO KYERε

DZIN Jehovah no fi Hebrew nyεe kasafua bi a ɔkyere “ɔbεye” mu. Abemfo bi kyerε dε wɔ ha no, dεm kasafua a wɔdze dzii dwuma no kyerε adze a otum ma biribi ye hɔ anaa osi. Ntsi nyim-pa pii nyim de dza Nyankopɔn ne dzin no kyerε nye obi a “Otum Ma Biribi Si,” anaa “Otum Ma ɔye Hɔ.” Dεm ntseasee yi fata Jehovah papaa-pa wɔ dwuma a odzi de ɔbɔadze no mu. Ono na ɔmaa amansan yi na no mu abɔdze a wonyim nyansa no bae, na ɔda ho ara ma ne pε nye ne tsirmpɔw ye hɔ na ɔma ɔba mu.

Se dεm a, nna ɔno mbuae a Jehovah dze maa Moses wɔ asem a wɔayε ho kyerewtohɔ wɔ Exodus 3:13, 14 no kyerε dεn? Moses bisaa de: “Se mudu Israelmba nkyen, na mese hɔn dε, Hom egyptanom Nyankopɔn na ɔasoma me hom hɔ; na wɔse me dε, Ne dzin dze dεn? a, menkā dεn menkyere hɔn?” Jehovah kāa de ɔnse Israelmba no de: Mebeyε Moho Dza Mεrε De Meyε no na ɔasoma me.

Hyε no nsew de nna ɔnnye de Moses nnyim Jehovah ne dzin ntsi na oribisa no. Nna Moses na Israelmba no nyina nyim Nyankopɔn ne dzin yie dada. Nna Moses pε de Jehovah kā biribi fa ne dzin no ho a obotum ahye gyedzi a wɔwɔ wɔ Nyankopɔn kor a ɔye no mu dzen; nna ɔpε dzin no ho biribi a se ɔbɔ a, ɔbεma Israelmba no ehu de ampa, dεm Nyankopɔn no a wonyim no dada no na ɔasoma no. Ntsi aber a Nyankopɔn yii Moses ano de wɔfrε no Mebeyε Moho Dza Mεrε De Meyε no, nna Jehovah reda biribi soronko bi koraa a ɔfa nankasa noho no edzi: Nna ɔrema Moses atse noho ase de, wɔ tsebea biara mu no, ɔno Jehovah no botum aye noho dza ɔpε de ɔye biara na aama ne tsirmpɔw aba mu. De mfatohoo no, wɔ Moses na Israelmba no hɔn afamu no, Jehovah yεε noho ɔgyefo, Mbrahyenyi, ɔdzemafo, nna pii a ɔkeka ho maa hɔn. Ntsi, Jehovah narankasa hyε da ara **yε noho** dza ohia

JUNE 29–JULY 5

**AKORADZE A OFI NYANKOPON N'ASEM
MU | EXODUS 4-5**

“Mebekyerε Wo Dza Kā”

w10-E 10/15 13-14

Jehovah Bu Nsem A Yekā Dze Yiyi Henho Ano No Dēn?

“Memfata.” Bi a ibotum atse nka dε emmfata dε ɔsempanafo. Wɔ Bible mber mu no, nna nyimpa anokwafo bi wɔ hɔ a wɔtse nka dε worunntum nnyε edwuma a Jehovah dze ahye hɔn nsa no. ɔwodze ma yemfa Moses de mfatoh. Aber a Jehovah dze dwumadzi pɔtsee bi hyε Moses ne nsa no, Moses kā dε: “Ao, Ewuradze, m’ano nntsew, nkan no o, ofitsi aber a ɔwo enye w’akowaa kasae yi o: osiande m’ano ye dur, na me tεkyerεma ye pembɔɔ.” Ommfa ho dε Jehovah kā kyereε Moses de ɔbɔboa no no, Moses kā dε “Ao Ewuradze, mepa wo kyεw, dua nyia woara epe dε esoma no, ne nsa do soma.”—Ex. 4:10-13.

w14-E 4/15 9 ¶5-6

Aso Ihu “Nyia Wonnhu No” No?

Ansaana Moses resan akɔ Egypt no, Nyankopon maa ohun nokwasem bi a no ho hia. Ekyir yi, Moses narankasa kyereεw dεm nokwasem no wɔ Job nwoma no mu dε: ‘Jehovah no suro, ɔno nye nyansa.’ (Job 28:28) Mbre ɔbεyε na Moses eenya dεm suro no na ɔaayε n’adze nyansa mu no, Jehovah kyereε no nsonsonee a ɔda nyimpa na Adze Nyina Do Tumfo Nyankopon no ntamu. Obisaa Moses dε: “Woana na ɔyε nyimpa ano? Anaa woana na ɔyε nyimpa mmum, anaa otsitsifo, anaa ɔdzehufo, anaa onyifurafo? Ana nnyε emi Ewuradze bi a?”—Ex. 4:11.

Nna esuadze no nye dεn? Nna ɔnnse dε Moses suro biribiara. Nna Jehovah na ɔasoma no, na ɔyε ɔno Jehovah kor yi ara na ɔbεma Moses ne nsa aka biribiara a nna obehia na aama oetum dze Nyankopon ne nkrasem ama Pharaoh. Na ehwε mu so a, nna ɔnnε Pharaoh ne

dε ɔyε biara na aama bɔ a ɔdze ahye n’asomfo no aba mu. Dzin Jehovah no kura dεm ntseasee yi dze, naaso ɔnnyε mbre ɔno Jehovah yε noho no nkotsee na ne dzin no kyere. ɔsan so kyere adze a otum ma n’abɔdze yε na aama ne tsirmpɔw aba mu no so.

Pensapensa Bible Mu

g04-E 4/8 6 ¶5

Moses—Aso ɔyε Nyimpa A ɔtsenaa Ase Anaa ɔyε Anansesem Bi Kekε?

Aso nna Egypt ɔhenbabaa bi botum afa abofra bi ayε ne ba? Aso iyi nnyε ndaadaasem bi? Dabida, santsir no nye dε nna Egyptfo som bi kyerekyere dε ɔse dε obi da ayamuyie edzi ama oeetum akɔ sor. ɔdze fa obi ne ba a wɔfa no hwε no ho no, Joyce Tyldesley a ɔyε obi a otutu famu hwehwε tsetse ndzembə mu no kyere dε: “Nna Egyptfo mbaa na mbanyin nyinara wɔ ho kwan kor. Wɔ nkrataa do no, annyε hwee kora no, nna mbaa na mbanyin nyinara wɔ ho kwan kor wɔ mbra kwan do na sikasem afamu, . . . nna mbaa tum ye nhyeheyε dze fa obi ne ba ye hɔndze.” Wɔ tsetse nwoma bi a wɔfrε no *The Adoption Papyrus* mu no, ɔkā mbre ɔbaa bi yε nhyeheyε dze faa no nkowaa bi dε n’ebusuafo no ho asem. *The Anchor Bible Dictionary* kā Moses ne nā a wɔfaa no dε ɔmma abofra no enumfo no ho asem dε: “Moses ne nā a wɔfaa no tuua no kaw dε ɔnhwε abofra no . . . nye Mesopotamiafo nhyeheyε ahorow a ɔtsetse dεm a nna wɔyε dze hwε obi ne ba a wɔfaa no aye hɔndze no dzi nse.”

w04-E 3/15 24 ¶4

Exodus Nwoma No Mu Nsentsitsir

3:1—Nna Jethro yε ebεn ɔsɔfo? Wɔ tsetse egyanom no aber do no, nna ebusuatsir no na ɔsom dε ɔsɔfo wɔ ebusua no mu. ɔbεyε dε nna Jethro yε ebεuatsir wɔ Midian ebusuakuw bi mu. Abraham ne yer Keturah na ɔwoo Midian, ntsi nna Midianfo nyina yε Abraham n’asefo; iyi ntsi, bi a nna wonyim Jehovah no som ho biri-bi.—Genesis 25:1, 2.

tsipen nye Jehovah. Afei so, nna nnye iyi nye ber a odzi kan a nna Nyankopon n'asomfo ehu amandze wɔ Egyptfo tumdzi ase. Ɔbeye de Moses dwendween kwan a Jehovah faa do bɔɔ Abraham, Joseph, na noara Moses ho ban wɔ Egypt ahemfo bi a nna wɔabeson kɔ no nsamu. (Gen. 12:17-19; 41:14, 39-41; Ex. 1:22-2:10) Moses nyaa Jehovah a ɔyε “Nyia wonnu no” no mu gyedzi, ntsi ɔdze akokodur kɔr Pharaoh n'eniyim na ɔkækā asem biara a nna Jehovah ahyε no de ɔnkā no kyereε no.

w10-E 10/15 14

Jehovah Bu Nsem A Yekā Dze Yiyi Henho Ano No Dεn?

Jehovah annye dwumadzi a ɔdze hyεs Moses ne nsa no emmfi ne nsamu. Mbom no, Jehovah paaw Aaron de ɔmboa Moses ma ɔnye no dwumadzi no. (Ex. 4:14-17) Bio so, Jehovah kaa Moses ho wɔ no nkwa nda a aka no nyina mu, na ɔmaa ne nsa kaa biribiara a nna obelia na aama oetum aye dwumadzi ahorow a nna Nyankopon dze ahyε ne nsa no. Ndε, ɔwo so botum enya ahotodo koraa de Jehovah bεma wo nuu-nom Christianfo a hɔnho akokwaa no aboa wo, ma eetum aye wo som edwuma no. Dza ɔkyεn ne nyinara no, Nyankopon n'Asem no ma yena awerehyεmu de Jehovah betsetse hen ma yaafata ama edwuma a ɔdze ahyε hen nsa no.—2 Cor. 3:5.

Pensapensa Bible Mu

w04-E 3/15 28 ¶4

Nsem A Akenkamfo Bisa

Asem a Zipporah kāa de “ɔwo ye bɔguya okumfor (kyere de, kun fofor) dze ma me” no ye soron-ko. Iyi ma yehu ebεnadze fa Zipporah ho? Gye a Zipporah gyee too mu de obotwa ne ba no twatsia no kyere de, nna ɔagye ato mu de ɔnye Jehovah aye apam bi. Wɔ Mbra apam a ekyir yi Jehovah nye Israelmba yee no mu no, ɔbedaa edzi wɔ mu de se obi nye Jehovah ye apam bi a, nyimpa no botum afa Jehovah de okun wɔ apam no mu, na nyimpa a ɔnye no reye apam

no so aye ɔyer. (Jeremiah 31:32) Ntsi, aber a Zipporah (nam ɔbɔfo bi a nna ɔyε Nyankopon n'anamusinyi do) frεε Jehovah de ‘bɔguya kun fofor’ no, nna Zipporah regye nhyeheyεs a nna ɔwɔ dεm apam no mu no ato mu. Nna ɔtse de mbre ɔagye ato mu de ɔbεfa Jehovah de no kun, na ɔno so aye n'adze de ɔyer wɔ twatsiatwa apam no mu. Wɔ ne nyinara mu no, osiande ɔyεs setsie na odzii Nyankopon ne mbra do no ntsi, nna ne babanyin no nkwa nnda esian mu bio.

it-2-E 12 ¶5

Jehovah

Se obi “nyim” adze bi anaa nyimpa bi a, ɔno nnkyere de ɔatse dεm adze no anaa dεm nyimpa no ho asem bi anaa onyim de ɔwɔ hɔ ara keke. Nna Nabal kwasampanyi no nyim David ne dzin, naaso ne nyina ekyir no obisaa de, “David nye woana?” Nna dza ɔrepε akyere nya de, “ɔno so ye ebεn nyimpa?” (1Sa 25:9-11; fa toto 2Sa 8:13 ho.) Dεmara so ntsi na Pharaoh so bisaa Moses de: “Woana nye [Jehovah] a mibetsie ne ndze na mama Israel akɔ? Minnyim [Jehovah], na nkyii so meremma Israel nnkɔ.” (Ex 5: 1, 2) Ntsi, dεm asem yi a Pharaoh bisae no kyere de nna onnyim Jehovah de ɔno nye nokwar Nyankopon no, anaade ɔyε obi a obotum akyere ɔno Egypthen no dza ɔnye, anaa mpo de Jehovah nnyi tum biara de ɔbεhyε ɔno Pharaoh de ɔnye dza Moses na Aaron rekā no. Naaso, nna afei na Pharaoh na Egyptfo nyina, nye Israelmba no rubohu dza dεm dzin no kyere ankasa, nye obi a wɔdze dεm dzin no frε no no. De mbre Jehovah kāa kyereε Moses no, nna iyi bεkyere de Nyankopon rebεma tsirmɔw a ɔwɔ ma Israel no aba mu. Nna ɔrebεgye hɔn efi nkowaasom mu, dze hɔn akɔ Anohoba Asaase no do, na aama apam a ɔnye hɔn egyanom yee no aba mu. De mbre Nyankopon kāe no, nna ɔnam dεm kwan no do bεma ‘woehu de ɔno nye Jehovah hɔn Nyankopon no.’—Ex 6:4-8.